

石

匱

書

石匱書卷第七十四

明 級南張岱著

姚廣孝列傳

姚廣孝其先汴人也宋南渡家長洲之相城世業鑿
廣孝目光炬射形如困虎幼名天禧年十四白父曰
兒不願醫願仕不則願出家因削髮為僧名道衍相
城道士席應真有異術教以太公兵法授占術輒為
人決休咎嘗游嵩山寺遇袁珙目之曰寧馨兒和

尚目三角漂白性心嗜殺它日劉東忠之流也道衍
大嘆益自負洪武八年詔取高僧三宗泐薦之高
帝道衍問見燕王松請曰大王骨相非常英武蓋世
今皇圖草昧東宮仁弱頹厚自愛大王乞臣府中當
奉一白帽與王戴蓋王上加白其文為皇也會高皇
后崩上賜親王名僧團一人齋薦高后道衍名在
燕府乃大喜至北平居故慶壽寺高帝崩建文
嗣位諸大臣謀弱宗藩逼執伊周齊谷四王並削為

庶人湘獻王自燒殺事且至燕子王懼問衍曰能卜
乎衍曰能即以三錢授燕王密禱而擲之曰大王卜
天子乎燕王曰吐毋妄言衍拜曰大王幸賜臣燕亡
左右窺聽故敢卑其說主上猜間宗室侵漁齊藩所
戮辱因首隸士伍蓋五王矣大王先帝所鍾愛也
且又仁明英武得士衆心主上所忌也夫燕勝
國之遺而北方嚴鎮也其民智弓馬地饒東粟悉雄
薊屬郡之材官良家子數甲可三十萬粟支十年大

王之護衛精兵拔石超距又不下一二萬鼓行定山東界河南勢若建瓴而下誰能禦之大王即不南機先發欲尚聞得乎且旦暮匹夫矣臣竊謂大王卜之心與臣卜無異也燕王曰子休矣衍曰臣有所與相者袁珙請以決燕王曰借之來珙至就傳舍燕王從貌類者十餘人往就珙相曰吾輩俱護衛較耳珙獨起指燕王拜燕王平止之稍間命入宮悉屏左右珙俯伏曰大王太平天子也臣游燕市中諸將相肩接

則皆以大王故時蹙燕益急燕王召道衍入便殿密
議或歎息泣下衍曰天之所興誰能廢之因問衍師
期曰未也俟吾助者至曰助者為誰曰吾師又數日
詔勅張信縛燕王信入見燕王具告以寔乃召衍共
謀事衍曰期至矣適薦元墜地燕王不憚衍曰無異
也是欲易黃丸耳燕王悅遂定謀會朝廷遣人逮燕
府官較燕王盡縛官較置殿廷召張昌謝貴入談伏
斬之遣張王未能勑衛士奪九門出祭蘇見披髮而

旌旗者蔽天燕王問曰何神衍曰嚮固吉之吾師北方之將玄武也於是燕王亦披髮仗劍應之。兵初起暴雨風驚王不悅衍曰龍飛從以風雨但啓行大告兵南下衍送道傍言江南有方孝孺者學行負盛名即不肯降幸勿殺燕王許之。世子居守命道衍為輔與郭資等日夜守禦輯附兵民南兵百餘萬薄城下衍設伏截其後城上呼噪伏發急開門夾擊大敗南兵又夜縫死士下城刦南兵營或遣數十人遠伏艸

莽間夜舉火鳴炮渡南兵不得休息輒出兵奮擊大
破之盡焚九門諸柵寨燕王軍中有間見異事及兵
進止輒緘書飛騎問衍條答附去並中機宜靖難後
辭封爵為左善世復姚姓賜名廣孝蓋以元初劉太
保名東忠故以廣孝配也立東宮陞太子少師輔太
子南京文皇令衍蓄髮終不肯拜命嘗賜兩宮人
逾月不近亦不辭文皇乃召還兩宮人永樂三年
蘇松飢廣孝奉命出賑道閭門見酒帘書甚工問誰

書也則一少年召見之曰能父我乎少年曰幸甚還見上上賜名繚以為尚賓卿上命學士解縉纂錄文獻大成猶謂未備徵海內文學之士重修之自纂修以及繕寫幾三千人給與居止膳膏而廣孝及縉主其役歷四載成書凡二萬二千九百卷賜名永樂大典久之皇太孫出閣講學復命廣孝輔導之六年自南京入覲抵城下疾不能朝命從者曰速為輅天子至頃之車駕臨視撫勞周至賜金唾孟一間

所欲言廣孝曰僧溥洽繫獄久願赦之上即坐中出
焉數日卒半駕復幸問継曰僉父臨盡何語継曰願
陛下厚卹臣家上大怒曰汝父平生與吾言何反
家也逐之召其弟姪二人而厚之賜賜廣孝少師榮
國公謚恭靖為御製神道碑洪熙元年脩享成祖廟
嘉靖九年詔學士璁學士萼姚廣孝佐命嗣興勞烈
其有顧系門上首班諸功臣並食德太二祖側恐不
足尊祖敬宗非朕靈承宗廟意卿等加恩之下禮部

議尚書李時議曰臣伏見故少師廣孝弼輔太宗雖有帷幄奇謀寫爵厚秩亦已報之平生祝髮披緇宿崇俎豆其為濟禮誠如聖見請移祀大隆興寺太常春秋祀制曰可廣孝至吳有故人王賓者居委巷不妄出入廣孝三往見之皆不可廻屏騎從徒走造門賓闔門曰和尚差矣卒不見謁其姊姚禡姚頴亦麾出之曰做和尚不了立是好人終距不見所著有逃虛子集道餘錄大意專詆程朱其友張洪嘗云少師

於我厚今死矣無以報之但見道餘錄輒為焚棄
石匱書曰姚廣孝協定大計乃猶初眠接心玄門終
不得以富貴易之奇士哉雖然於釋則法道靡也於
臣則釋道累也彼王賓者隱人無論焉蓋媿其姊矣

石匱書卷第七十五

明 銩南張岱著

丘福列傳

丘福濠人事。高祖積功為燕王護衛百戶有臂力
憲朴勇鷙不甚曉文義而善撫士卒燕師起福與朱
能俱為燕王所憑伏暮畫志計不能如張玉敢戰深
入過之每勝敵諸將士爭前效鹵獲福獨後王每歎
曰丘將軍功我自知之京師平大封賞靖難功以丘

福為第一。晉淇國公當是時，曹國公李景隆以降立位，福上福鞅；不平見景隆輒欲歐之。景隆尋坐歸，長繫福始稱快。會世子當立為東宮，漢王高煦數將兵從征伐有功，文皇以為類我而趙王高燧又以幼子被殊寵，意未決。福武人與高煦善，欲立之中貴人黃璣、江保與駙馬都尉李謙等窺。文皇意陰主高燧，世子憂之甚，賴仁孝皇后內主。文皇念皇孫材謀之學士鮮縉始得立，而福首為太子太師東宮。

恨之明年北鹵本雅失里殺我使臣給事中郭驥
文皇大怒發騎十萬拜福征虜大將軍率左右副將
軍武城侯王聰同安侯火真叅將靖安侯王忠安平
侯李遠等討之 上命曰毋輕毋為鹵詔即未捷寧
毋之福先驅至臚朐河遇虜前鋒以輕騎千餘催敗
之乘勝渡河獲鹵尚書一人飲勞而問焉言本雅失
里惶惧欲北遁去此可三十里福大喜疾驅前諸將
曰鹵非真敗也設伏誘我令後兵未集毋寧俟其集

而先遣精騎覘之福按鯁怒以鹵尚書為薄蕪其營
相持者一日鹵戰輒引却福輒銳乘之安平侯泣諫
曰鹵示弱深入必不利將軍亡上命乎毋輕毋為
鹵詣武城侯亦言不可福皆不聽以同安侯故鹵人
使詐與鹵和自率騎繼其後同安侯猶豫未決福厲
聲欲斬之先驅而行從騎皆泣諸侯不得已與俱鹵
衆奄至圍之安平武城二侯率五百騎突陣斬賊首
數百皆死之福與同安靖安二侯被執並死之所失

亡萬數 上聞之大怒以福復諫失策藉其家發海南而傾天下兵北伐凡駕三出卒莫能滅鹵後每言及福復驚喪師輒切責洪熙改元福當從死事例復爵以善高煦故却不復錄其子孫遂世為海南人

石匱書曰丘淇公負蠶慄剽輕善戰將之才也亦將之職也至其突騎陷鹵與戶沙漠將之命也亦未始非將之職也 文皇帝薄其賞則可而藉沒流徙禍及妻孥母乃已甚乎如以其羽翼高煦謂欲動搖太

于是亦靖難諸臣之常耳何足為福修哉

石匱書卷第七十六

明 級南張岱著

靖難勲臣列傳

薛祿山東膠州人起戎伍從靖難奪九門東攻薊南破雄鄭圍真定生擒駙馬都尉李堅超陞燕山衛指揮東援永平襲大寧旋師解北平圍大戰白溝河人戰天河滹沱河皆賈勇先登有功單家橋之戰馬蹶被擒祿縱身起縛斷奪刀斬守兵數人復上馬力戰

遂敗平安兵乘勝攻下順德大名彰德及攻西水寨
生擒都指揮一人斬獲無算從攻東阿東平汶上皆
下之再戰淝河大酒店小河汴隄靈壁所至披靡逐渡
淮從車駕入京師陞都督府僉事永樂八年從北征
有功進右都督訓練幼軍十二年又扈駕北征十五
年重建北京宮殿十八年晉封武陽侯又再從北征
還討平湖州叛寇洪熙元年巡北邊與鹵戰大松嶺
斬鹵功多加歲祿與世券宣德嗣位討高煦以祿宿

將忠謹充先鋒圍樂安擒高煦留祿鎮撫明年扈從
巡邊出會州敗鹵於塞下苗鎮薊州宣德五年佩鎮
朔大將軍印巡邊戰鹵鳳凰嶺斬其首加太保居三
月董菜城垣蓋從祿之請便戍守也疾作召還半贈
鄭國公謚忠武祿有才畧謀之後戰故所嚮成功臨
陣冒矢石裹創赴聞有進無退其師過紀律嚴明秋
毫無犯而撫卹士卒人樂為效死靖難諸將推河間
東平二王及祿三人為軍鋒冠

李彬濠之定遠人父信從高皇帝定天下積功至
衛指揮僉事以老謝事彬嗣父官年二十九歸落有
大志卒未率所部兵從頴國公征北虜歷采顏鴉山
追鹵首阿劄失里至洮兒河身先士卒多所擒獲復
墾黑嶺寒山磨鑊海子及黑松林熊皮山追襲鹵首
元刺罕禽獲有加文皇居燕聞其驍勇召見與語
奇之遣薦宣府德勝萬全保安等城已卯靖難兵起
舉彬為前鋒所嚮皆捷進五軍都督僉事從戰揚州

負重傷 文皇亟遣醫療之俾還北平彬不肯顧力
疾隨軍 文皇嘉其忠勇慰諭之曰卿其暫輟戎事
歸輔世子居守壬午 文皇正位命護中宮至京念
其勞勳進封豐城侯予世券甲申鎮守江西尋召還
明年送趙王赴北京還徃捕皂岩山寇丙戌南征交
趾充左叅軍率師入境水陸夾攻直搗其巢凱還加
歲祿尋命勦平海倭明年總督操江禽長河賊李法
良庚寅勦捕福建海寇頻年為國禦災除害不避艱

險未常少息。文皇深嘉獎錫予稠疊。一時將臣無
與為伍。壬辰佩征內前將軍印充總兵官鎮守甘肅。
甲午召還護蹕北征明平鎮守陝西丙申又召還護
蹕還京佩征夷將軍印充總兵官出守交趾在鎮七
年遠人畏服壬寅年六十二卒於鎮交人為之罷市
巷哭如喪所親計聞帝悼惜追封茂國公謚剝毅
子賢嗣封

張信臨淮人父興開國功為永寧指揮僉事信嗣官

以紫江草塘功陞都指揮僉事建文即位授北平大
臣薦信有謀勇調北平都司受密勅令與張昺謝貴
合力盡縛藩府人信日夕憂惜母恠而問之信對曰
兒統兵邊聞馬能無憂母曰兒憂非此其語我故信
屏左右對曰密旨欲得親王奈何母大驚曰不可汝
父每言王氣在燕汝無妄為禍家族信益憂懼未幾
促信益急信艴然起曰何忍已甚至此三造燕邸
文皇辭不見乃乘婦人輿求見 文皇召入拜牀下

時文皇稱風病不能言久矣信頓首曰殿下無恙即有恙當急諭臣文皇曰余誠病且因待死爾信復曰殿下不以情語臣朝廷密勅信執殿下殿下意果無他幸從臣歸命京師即有意宜告臣文皇見信稱臣人意甚誠惻泣下告信密謀立召姚廣孝朱能張玉定計奪九門信遂從靖難兵戰大寧真定鄭村霸屢捷克大同轉戰夾河藁城渡淮破盛庸兵入金川門陞都督僉事晉封隆平侯食祿一千石與世

卷伯 文皇時呼信為恩張凡召太子北京察藩

王動靜諸密要事皆命信永樂二十年征胡功加少
師洪熙元年與世券侯支兩俸正統七年信卒贈鄭

國公謚襄僖

徐忠合肥人父用以開國功陞副千戶忠嗣官征鹵
功陞濟陽衛指揮僉事鎮開平靖難兵起忠歸附自
起兵以至南都屢建奇功忠臨戰奮勇百夫莫當掠
陣突圍如入無人之境白溝之戰南兵揮刃斬忠兩

指未斷忠自截指擲地裂衣帛裹創仍奮勇進鬪其
馭士卒撫卹誠至人子婦心而號令嚴明所過無擾
以靖難功晉永康侯予世券永樂己丑暨癸巳車駕
巡狩北京太子監國文皇以忠毅厚志誠留之南
京兵政一以任忠忠小心寅畏清靜簡易上下安之
一日夙興盥櫛衣冠坐都督府得風疾卒帝震悼
輒朝追封恭國公謚忠烈

陳懋濠之壽州人父亨以開國功陞都指揮使靖難

兵起寧從之屢戰屢捷後大戰錚山為平安所殺贈
涇國公謚襄敏懋其季子也偉貌長髯聲如巨雷結
髮從戎積有功伐累官都督尋以父功封寧陽伯出
鎮寧夏懋至鎮軍伍肅然凡降胡必親撫卹之甚得
其歡心七年選精兵自將大敗西夏於境外即軍中晉
封寧陽侯予世券八年扈從北征將左掖兵十二年
又北征俘馘甚衆明年還鎮十四年有報西夏首馬哈
木死者懋曰無之是解我邊偪也即申飭郊圻已而

齒將果至見有備乃退二十年文皇復北征懋率
所部從還京賜王帶金綺龍衣聞懋有女賢淑禮聘
入宮冊鹿妃二十一年詔懋統陝西寧夏甘肅三鎮
兵出勦叛齒懋率衆直抵賀蘭山擣其巢穴盡收其
首長也先王十部落反牛馬駝羊數萬凱旋龍脊有
加二十二年復從北征以懋為欽王京領前軍都督
府事洪熙登極加太保宣德十年佩平羌將軍印出
鎮甘肅尋召還正統十三年福建民鄧茂亡作亂偽

稱閩王勢猖獗 宣帝曰此賊非老將不能平特命
懋討之至浙江有欲分兵先守海口者懋曰如此是
絕其生路為死寇矣不從師次建寧有款晉沙尤二
縣者懋曰如此則益堅賊心矣乃下令諭之俾各復
業能斬賊首者功與王師同於是降者日衆懋曰賊
勢已孤無能為也乃五路進兵一鼓擒之凱還領中
軍都督府事尋領宗人府事天順復位懋遇益隆六
年春忽得疾踰秋不能起上言臣老死不足惜願陛下

下以生民為念任用賢能以圖太平之治英宗覽奏歎其忠誠卒年八十有五帝震悼輟朝追贈濬國公謚武靖

陳瑄合肥人洪武間侍父官成都習兵器精騎射以武臣子選侍大將嘗從出郊遠望孤雁雜鵝群命衆從射不中最後命瑄發一矢斃之有鳴翔於上命瑄射應弦而墜以是知名造蜀府命瑄董繕作具有條理遂從征南番宕州中亭父散毛鎮南咸建勞績代

父職為成都衛指揮同知父坐舊累謫戍遼陽瑄伏
闕奏請代行特詔父子並免復職從征越雋討建昌
首長月魯帖木兒踰梁山平天星寨破寧番諸蠻駐
西河口諭降夷人數千從總帥復征益井平三山寨
及小百步進攻卜木瓦寨據要害立堡以斷賊路官
軍分三隊進瑄居中左右兩隊力弗支弁還瑄所統
僅百餘人冒險先登賊數千圍瑄一下馬率衆且射
且斫賊疲稍却瑄裹創進戰自己至西賊敗走瑄全

軍還又從征餘寇賈哈刺時寇衆數萬據險以陣瑄
繇間道出奇兵作浮梁渡河既渡撤梁以固士志遂
壓敵境一日十三戰奪其險敵大敗窮蹙出降械賈
哈刺送京師撫輯其餘衆從濶獻王巡邊招撫邊夷
無理茶馬之政邊人悅戴灌口都江堰壞民苦水患
瑄修其堤防躬事畚锸為堅久計更出資為義田二
百畝於成都積所入租凡貧不能衣食不能婚嫁父
母不能殮者皆給之尋以雲南兵征百夷蠻有功陞

四川行都司都指揮同知遂晉右軍都督府僉事

文皇知瑄才可任使時北京軍儲匱乏命瑄歲董運
百萬石蘇海道輸給瑄建百萬倉於直沽尹兒灣天
津衛藉兵萬人戍守瑄紀律嚴明秋毫無犯凡海運
所經海島夷人畏憚官軍輒逃匿瑄下令俾出為市
遠官監臨為平其直軍無敢譁夷民丙使舟還值倭
寇沙門島瑄率衆掩殺追至朝鮮境上焚寇舟殆盡
尋奉命督舟師海上備倭海溢隄壞自海門至盐城

凡八百里航海者茫洋莫知所適多至膠淺瑄於太
倉相可泊處以二十萬卒築高丘二十丈延亘二十
里為表識衆便之稱寶山北京成祖海運瑄濟寧
臨清河通南北往來瑄造淺艤二千艘初歲運二百
萬石後增至五百萬石國用以足若疏清江浦引水
繇管家湖入鴨陳口達淮以免淮河風濤之險就管
家湖築隄亘十里以便引舟凌儀真瓜州二霸潮港
之堙鑿呂梁徐州二洪以殺水勢築沛縣刁陽湖濟

寧南望湖長堤開泰州白塔河通大江築高郵湖堤
堤內鑿渠亘四十里以通舟南北造梁以便車馬自
淮至臨清相水勢高下建肺四十有七以明啓閑量
水則高瀦之於淮濱作常盈倉四十區以貯江南輸
輶於徐州臨清通州皆建倉以備轉運慮漕船昧河
源深淺自淮抵通州瀨河置舍五百六十八所住戍
卒俾篠松可行緣河隄鑿井樹柳以便夏月行者至
今三百餘年尚食其利宣德時璫尚守淮安兼督漕

事間入朝深被嘉勞宣德癸丑疾作 帝聞特勅夢
問瑄子儀在侍衛令挾璧馳驛往侍竟平 帝悼欷
輶朝追封平江侯謚恭襄

顧成湘潭人祖父操舟江淮間遂居江都為諸賈紀
綱諸顧臂力拳勇號奉棒顧成於諸顧中尤武軀體
自刺花紋曰入水以禦龍罔象元末客游燕盜入舟
衆皆恐成挺身奪鬪盜披靡走事張士誠自拔歸
太祖為帳下卒常執繖蓋侍出入中山王攻鎮江偕

十一人者轉闖入城被繫十一人皆見殺成絕繫跳
仆其持刀者滾入水亂流以渡歸語衆曰鎮江城中
人皆庸夫可取也遂先登克之青軍據揚州成母在
揚請往說之既置酒賊將害成覺微服將母亡
已從攻常宣還克江陰授百戶從寧河王克通州從
開平王克襄陽從行間征戰定吳取楚屢有戰功陞
金吾衛副千戶帶刀宿衛洪武元年危從陳州舟膠
負之行太祖壯之即日陞堅城衛指揮從臨江侯

平蜀調成都後衛總帥守之擒妖賊王玄保等於重慶太祖名其省曰四川隸以貴州歸附諸蠻以成爲貴州衛指揮僉事是爲洪武八年其明年寇傍等山寨蠻寇叛成具討平之蠻人懾服呼成爲顧老虎以止兒啼十四年從蘓川侯征雲南破阿黑螺蛳等二十餘寨蘓川侯使成守西堡蠻萬五千人來圍諸將欲戰成曰我寡有頃賊來攀柵成介而馳出北門奮擊殺賊數十騎諸將鼓出東西門戰却之賊尚

圍柵南或取所生禽十八人斬其十七縱一人歸曰
夜二鼓盡殺余矣及二鼓舉銅角發銃炮賊聞皆狼
狽奔獲甲兵無數名城北鎮曰歡喜鎮時有中使在
軍中以成擒賊狀入奏特賜襲衣金帶陞世襲指揮
使悉平普定所隸諸蠻二十五年討平貴州康佐叛
寇平都匀豐寧西梁瓦村等蠻二十九年佩征南將
軍印征水西叛寇生禽賊首斬之餘寇悉平三十年
五開蠻反成率兵至剖天洞悉破之進勦天柱天堂

春花金井蒲頭大小坪等生苗榜鮮米毫灣谿舟谿
萬湖等寇皆破之三十一年晉定西堡諸夷復叛或
次第討平之建文初召還以右都督佐長興侯戰真
定兵敗被執燕王喜解其縛曰余先朝舊人 皇考
之靈殆以授我因與語興師故言已泣下或亦泣遺
至北平輔世子守南兵圍城世子數命或出戰或
固辭曰使臣侍左右日陪議論得效分寸足矣賜或
甲胄弓矢刀劍皆不受然南兵數圍城卒以敗去者

多用成謀也論功晉鎮遠侯于世券仍命出守貴州
蠻夷聞成主歡趣出拜叛者皆歸成上書言頃者至
鎮方隅粗安莫効微勞當今四方邊徼蠻賊間發東
南海道倭寇時出沒然臣皆以為亡足深慮足慮者
北鹵遺孽然未可動兵宜遣人賞賚招諭高垣深塹
屯田儲積訓兵養馬預為必勝至是立東宮以定國
本則朝廷大事臣願効一言上褒諭之曰卿祇事
皇考從朕艱難忠而自信勇而善謀協成匡濟勞績

居多命鎮舊邦用佚高年乃心不忘嘉言來獻良用
嘉悅特賜卿鈔千疋文綺四疋羅綵絹各倍用答惓
惓頃復賜銀幣而謂侍臣曰漢武窮兵漢家凋耗近
者成言甚合朕意是以特獎六年車駕北巡命太子
監國 上念成前奏召使輔導賜勅曰卿年高遠外
朕念不怠可即還京少佚勞勸樹朕延佇既入見撫
勞再四戒頰首言皇太子孝友仁明足任付托左右
文武臣皆非臣所及臣所治夷蠻令雖帖服少競爭

即持兵亂臣不敢決去留惟陛下之所處上嗟歎良久賜鈔四萬貫白金二百兩綵幣三十六有副還貴州如故未幾思州思南二宣慰相攻不已勅召不來更聞內庭欲為變勅戒以兵五萬壓境首惡田琛黃禧等皆就禽明年成病上聞遣醫馳視又遣其孫貴勑勞問疾良已親率兵討清水江叛寇平之又勦臺羅蠻之復叛者俘戮幾盡旋師疾復作復命醫往視卒年八十有五進封安國公謚武毅

劉榮宿遷人為總旗從靖難立功夾河藁城淝河陞
都督僉事出塞討馬哈木阿魯台進左都督充總兵
守遼東改名江當是時倭寇數闖入永樂十七年倭
船入王家島傳烽至榮半精兵疾馳入望海塢明日
倭數千人分乘二十餘艘直搗馬雄島圍望海塢榮
發伏出戰遣奇兵伏山下斷其歸路倭奔入櫻桃園
榮合圍斬首七百餘級生禽八百餘人自是倭奴大
創不復敢犯遼東召封廣寧伯食祿二千石與世券

復命榮還鎮十八年卒贈侯謚忠武子湍嗣卒無子弟安嗣正統十四年從征降都督同知景泰中守大同詔復伯時上皇至大同安邀郭登出見登曰國不可測吾二人者守土為職脫有變系社稷何擐甲登城北面拜曰臣義興城存亡安竟出見命進侯後從上皇入京言官葉盛劾安落侯復為伯天順元年進封侯加祿六百石成化七年追贈翊國公謚忠僖

宋歲定遠人父朝用兄國用國興朝用起田間從
高帝渡江有功授天寧翼元帥 高帝與陳楚先戰
南臺而國興赴死其軍國用得襲國興官久之朝用
老歲襲父職為元帥歲為人慈祥閭大臨陣不妄殺
人從克徽寧江西福建關陝皆有功以都指揮使三
鎮涼州鹵部洛遠徙不敢近塞其降者處之善地耕
牧自便洪武十九年召還陞右軍都督僉事賜鈔文
綺贈其三代以其官鎮涼州如故二十三年以為總

兵官征鹵哈密誅僞王子別列怯等三十餘人獲鹵
衆千三百人二十五年誅擒罕東西番叛寇七十五
百餘人獲馬二千五百牛羊十萬二十七年以中軍
都督僉事充副總兵征遼東鹵戰腦溫江獲其衆千
餘明年討廣西幃帳諸寨賊又明年勦平五開龍里
蠻寇十三洞禽獲男婦二千五百七十八建文元年
以歲久居涼州威信素著使以總兵官鎮河西 成
祖即位陞後府左都督明年授平羌將軍充提兵官

鎮甘肅如故居項之御史有言歲專者 成祖勅賜
曰朕間外任卿事有便宜先行後聞朕素知卿勿用
介意三年齒日益聚近邊歲諭以朝廷德意降其首
長把都帖木兒倫都兒灰部衆五千餘人馬駝萬六
千餘匹斷匈奴右臂通回紇於西陲事聞 成祖大
喜賜把都等姓名授都督等官有差居之涼州給與
牛羊孳牧命歲加意撫綏即軍中封歲西寧侯 成
祖歎曰歲難老矣不懈於政綏遠恤士得為將體全

守邊將皆歲朕復何憂因賜第一區田池塘四十頃
為世業亡何卒歲長子宣桓靖難兵以靈壁成祖
惡之奪其世侯召其次子琥瑛二人皆佳使琥尚安
成公主瑛尚咸寧公主時號宋氏大小駙馬歲醉琥
瑛侍歲撫之曰吾家受恩厚矣父腰金子腰玉二主
入公間以聞上笑曰彼亦欹玉也歲沒成祖使
琥珮征鹵前將軍印充總兵官鎮甘肅而諭之曰昔
爾父作鎮撫輯有方爾踵父行則予嘉爾又勅曰昔

中山王北京十餘年未嘗輕遣一人出塞爾當法之
仁宗居守時疏通漢庶人而咸寧公主友萬數以財
濟仁宗乏仁宗即位奪瑄侯與瑛盡收所置舟
車田庄畀咸寧公主令其兄弟不得往來正統中瑛
禦幽沒

何福洪武初以武功為指揮使從征雲南再遷都督
僉事二十一年出塞至捕魚兒海俘獲萬計二十四
年充平羌將軍代西平侯討平阿資二十六年討降

緬酋羅雄法二十九年擒殺定遠首刀拜憫三十一
年擒永寧首卜八如加誅木麓川亂魁刀干孟大破
其衆四萬斬首三千餘級討平畢節都勦諸羅進征
五開蠻建文初進同知靖難兵起福歷戰淮南北輒
敗成祖即位以征南前將軍總兵鎮陝西寧夏與
甘肅總兵宋晟大同總兵吳高並為舊人重將當是
時成祖欲招懷邊塞胡首鞬官有內附者皆授之
官或居京師或即居塞上地或置左右侍衛寵異之

福所節制處歸附為多其屯田積穀六多於諸邊帥
賜勅獎諭福更請全大臣協守上曰汝慮久掌番
漢兵勢重生說邪老將也朕推誠相倚七年韁鞬脫
不花把充等率所部來歸凡八百長止亦集乃遲
回不至上遣楊榮與福處置榮至福已撫諭遣之
入朝上喜即軍中封寧遠侯賜賚甚厚福素有勇
略從車駕北征少數違法度群臣有言福罪者福快
之有怨言都御史陳瑛劾奏之福懼自經死遂奪侯

石匱書曰靖難諸將臣從藩邸起以一旅之師出萬
死者三載而遂定宗社於泰山之固此其績誠巨然
天子親為大將攻堅履危斷自神授且大戰不過十
餘所定軍府不過三四而已毋論中山開平其視曹
衛宋頴而下抑何徑庭也文皇大封功臣四公十
八侯三十一伯數復益陞而高祖之盟白馬指黃
河而誓者落一如晨星爰及苗裔不其重誣當世也
哉

附吳允誠金忠

吳允誠靼韃人舊名把都帖木兒成祖三年與其黨倫都兒灰率所部五千人自塔溝歸附於宋晟上大喜賜姓名授右軍都督僉事倫都兒灰賜名榮秉誠授後軍都督僉事其餘皆為指揮千百戶鎮撫有差賜之冠帶繫衣文綺表裡白金鈔鉞俾居涼州給與牛羊孳牧隨來者戶與牛六羊二十令歲加意撫綏自是靼韃部落聞風欽至上所以待之並如

允誠六年從征卜哈思之地以捕虜功陞右軍都督
其年北齒相戕潰散允誠子答蘭東誠子別力哥額
率精騎巡邏漠北其年允誠從北征韃寇虎保等迫
脅允誠所部同叛允誠妻與其次子管者及所部指
揮禽獲之成祖歸賜勅曰允誠之妻婦人而丈夫
賜綵幣十束裡米百石鈔四千貫羊百羶加陞管者
為指揮僉事所部指揮皆厚賜之九年陞左都督與
中官王安追叛齒火脫赤至把力河獲齒人口馬駝

牛羊十年封恭順伯十二年從征沙漠還仍居涼州
其卒也遣官致祭有司治喪命答蘭襲其職更名曰
克忠洪熙元年克忠以從征擒胡功進侯進晉者為
廣義伯正統九年克忠以擒鹹喜峰口加太子太保
十四年車駕親征鹹喜峰口襲我後英宗使克忠拒後
克忠與其弟克勤于瑾極力禦鹹喜據山頭矢石交
下官軍死傷殆盡克忠下馬跪射矢盡猶刺殺數十
人與克勤死之追封邠國公謚忠勇克勤亦贈遵化

伯謚僖敏瑾嗣天順五年與曹欽戰死追封涼國公

謚忠壯

金忠故名也先土干齒王子也在齒中以黠桀自豪
齒人悉畏下之成祖末年親征阿魯台阿魯台聞
大兵來悉鳥獸散獨也先土干率妻子部屬來附
上屬以春秋耀甲士虜中無所得齒得也先土干則
大喜慚勞之賜之酒饌人一厥鞬也先土干叩頭呼
萬歲退語所親曰大明皇帝真吾主也舍此何適哉

上思所以旌異也先土干以風示胡人封也先土干
忠勇王賜姓名曰金忠宴坐侯之下伯之上御前珍
羞悉輶予之宴罷復輶予御用金杯等物而遂班師
上乘馬途中忠一騎隨後顧問之而與之言已勑勞
而譯之曰昔呼韓邪歸漢突厥頡利歸唐垂之青史
永遠光耀爾明達天道卓然過之金忠聽譯訖復與
其妻子部屬叩頭呼萬歲師入居庸閨上服充龍
金繡袍乘玉花龍馬按轡徐行其日軍容甚盛金鼓

旆旄連亘數十里皆以得鹵王于故金忠興其部屬
從車駕望見中外文武群臣盛服遙從下至緇黃之
流羣羣之叟四夷朝貢之使百十萬人駢踴道左懼
呼迎駕聲震天地竦目誠心謂中國大歎未曾有已
上悉授其部屬為都指揮千百戶等官凡六十餘人
賜忠勇王誥券金印朝服至於牢廩居第器用所資
予甚厚其明年上復征鹵忠勇王願領前鋒與寧
陽侯深入不見鹵還仁宗即位諭吏部尚書蹇義

忠勇王未有進職鹵人所請惟三師為重因加太子
太保兼支二俸奉朝請而已宣德三年皇帝巡邊至
會州請深入捕鹵子兵數千或言忠此去不返矣數
日俘斬首鹵及畜產還 宣宗大喜拊其背飲之酒
曰卿朕今日碑也其明年進太保忠之來附也其甥
把台從之來亦封忠勇伯賜姓名蔣信 英宗隨虜
信擁護為多景泰中卒忠勇王謚僖順

石遺書曰善馭夷者以夷攻夷自是千古正法特患

狄鞮雕題不為我用耳我文皇帝銳意滅胡復誠
心欵齒如把都帖木兒也先土干牛馬維婁委已者
而柔焉夷狄之有君蓋勝諸夏矣末葉衰微而中國
生材反為蠻貊所用不其顛倒甚哉